



## საქართველოს გაკაემოს და სოფლის მეურნეოების მინისტრი

### ბრძანება N 2-429

07/06/2018

ქ. თბილისი

#### **ბოლნისის მუნიციპალიტეტის სოფ. სავანეთის მიმდებარე ტერიტორიაზე სასარგებლო წიაღისეულის მიწისქვეშა მტკნარი წყლის (სამეწარმეო მიზნით) მოპოვებაზე სკრინინგის გადაწყვეტილების შესახებ**

სსიპ „წიაღის ეროვნული სააგენტოს“ მიერ გზმ-ს ჩატარების საჭიროების დადგენის მიზნით საქართველოს გარემოს დაცვისა და სოფლის მეურნეობის სამინისტროში წარმოდგენილია ბოლნისის მუნიციპალიტეტის სოფ. სავანეთის მიმდებარე ტერიტორიაზე მიწისქვეშა მტკნარი წყლის (სამეწარმეო მიზნით) მოპოვების სკრინინგის განცხადება.

დაგეგმილი საქმიანობა ითვალისწინებს მტკნარი წყლის მოპოვებას. წიაღისეულის სასარგებლოების ობიექტს წარმოადგენს ორი ჭაბურღილი. წარმოდგენილი დოკუმენტაციის თანახმად, მოსაპოვებელი სასარგებლო წიაღისეულის მოცულობა შეადგენს 200 000 მ<sup>3</sup>-ს წელიწადში. წიაღისეულის სასარგებლოების ობიექტების სავარაუდო სიღრმეებია 150 მ და 130 მ. ობიექტების სიმაღლე ზღვის დონიდან შეადგენს 455-460 მ-ს. წყლის გამოყენება შესაძლებელია სამეწარმეო დანიშნულებით.

წიაღისეულის სასარგებლოების ობიექტები ქ. ბოლნისიდან დაშორებულია დაახლოებით 14კმ-ით, ხოლო უახლოესი საცხოვრებელი სახლიდან 735 მ-ით. წიაღისეულის სასარგებლოების ობიექტები განთავსებულია შპს „მზიანი მოსავალის“ სასოფლო-სამეურნეო დანიშნულების ტერიტორიაზე.

მიწისქვეშა წყლებზე სამეწარმეო დანიშნულებით ლიცენზიის გაცემის მაქსიმალურ ვადად განსაზღვრულია 25 წელი.

საინჟინრო გეოლოგიური პირობების სირთულის მიხედვით ტერიტორია მიეკუთვნება I (მარტივ) კატეგორიას. ჭაბურღილები საჭიროებენ თავმორთულობის მოწესრიგებას და მიმდებარე ტერიტორიის დასუფთავებას. წიაღისეულის სასარგებლოების ობიექტების ტერიტორიის გეოდინამიკური სიტუაცია სტაბილურია, ხოლო წიაღისეულის სასარგებლოების ობიექტის ექსპლუატაციის პროცესში გართულებები მოსალოდნელი არ არის.

საქმიანობის განხორციელების შემთხვევაში ნარჩენების წარმოქმნა და ხმაურის გავრცელება მოსალოდნელი არ არის.

საქმიანობის განხორციელების პროცესში ატმოსფერული ჰაერის დაბინძურება, ავარიული სიტუაციები და კატასტროფები არ იქნება მოსალოდნელი. პროექტის განხორციელების შემთხვევაში კუმულაციური ზემოქმედება მოსალოდნელი არ არის.

საქმიანობა არ არის დაგეგმილი შავი ზღვის სანაპირო ზოლთან, სახელმწიფო ტყის ფონდსა და დაცულ ტერიტორიებზე. ვიზუალური შეფასებით

საპროექტო ტერიტორიაზე არ ფიქსირდება კულტურული მემკვიდრეობის ძეგლი. დაგეგმილი საქმიანობის განხორციელების პროცესში ტრანსსასაზღვრო ზემოქმედება მოსალოდნელი არ არის.

ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსი“-ს მე-7 მუხლის მე-3 და მე-6 ნაწილების და ასევე „საქართველოს მთავრობის სტრუქტურის, უფლებამოსილებისა და საქმიანობის წესის შესახებ საქართველოს კანონში ცვლილების შეტანის თაობაზე“ (07.12.2017 №1620-რს) საქართველოს კანონის მე-2 მუხლის მე-3 პუნქტის საფუძველზე

### ვ ბ რ ძ ა ნ ე ბ:

1. მიღებულ იქნეს სკრინინგის გადაწყვეტილება, რომ სსიპ „წიაღის ეროვნული სააგენტოს“ მიერ წარმოდგენილი ბოლნისის მუნიციპალიტეტში სოფ. სავანეთის მიმდებარე ტერიტორიაზე მიწისქვეშა მტკნარი წყლის (სამეწარმეო მიზნით) მოპოვება არ დაექვემდებაროს გარემოზე ზემოქმედების შეფასებას;
2. ლიცენზიის მფლობელი ვალდებულია საქართველოს კანონის „გარემოსდაცვითი შეფასების კოდექსის“ მე-7 მუხლის მე-8 ნაწილის შესაბამისად უზრუნველყოს გარემოსდაცვითი ტექნიკური რეგლამენტებით დადგენილი მოთხოვნებისა და გარემოსდაცვითი ნორმების დაცვა;
3. ბრძანება დაუყოვნებლივ გაეგზავნოს სსიპ „წიაღის ეროვნულ სააგენტოს“;
4. ბრძანება ძალაში შევიდეს სსიპ „წიაღის ეროვნული სააგენტოს“ მიერ ამ ბრძანების გაცნობისთანავე;
5. ბრძანების ძალაში შესვლიდან 5 დღის ვადაში სკრინინგის გადაწყვეტილება განთავსდეს სამინისტროს ოფიციალურ ვებგვერდზე და ბოლნისის მუნიციპალიტეტის აღმასრულებელი ორგანოსა და წარმომადგენლობითი ორგანოს საინფორმაციო დაფაზე;
6. ბრძანება შეიძლება გასაჩივრდეს ზემდგომ ადმინისტრაციულ ორგანოში- საქართველოს მთავრობაში (თბილისი, ინგოროყვას ქუჩა N7) ან თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი



მინისტრი